



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 433 - 436. De bonis traditis in villis Ballevan, Watheri, Frithegenligarotho, Sickiunhus, et Bieranhus in pagis Westfalon, atque Almunga, nec non de origine comitum de Arnesburg.

urn:nbn:de:hbz:466:1-36114

Ab anno 1010 vs. que 1014 regnante Heinrico II. item brun tradidit pro se in *thetmerefbus* III. iurnales et mansos totidem.

§. 433.

Tradidit raginheri pro domna sua gherberge I familiam in *balleuan* (t) et XXX. iugera.

§. 434.

Brunonis vxor appellatur *Gherburg*. Interim erit verisimillimum, *Brunonem* aduocatum, et *Brunonem* nostrum ex vno fuisse sanguine ortos. Tam enim *Bruno* aduocatus, quam *Bruno*, maritus *Gherburgæ*, bona tenere in pagis *Nithega* atque *Auga*, e quo situ locorum iam supra §. 104. not. (n) conclusimus, vtrumque spectasse ad Brunonianam stirpem. Id quod nomina amborum reddunt probabilissimum. *Brunonem* nostrum filium fuisse *Marcwardi*, patet e §. 397, vbi ille plane prorsus filius *Marcwardi* appellatur. Eundem vero *Brunonem* designari, comprobatur primum villa *Smitberdesbus*, quæ, teste Sarachone, in pago *Auga* sita, et propterea eadem villa fuit, in qua *Marcwardus* pro hoc filio suo *Brunone* Corbeiensibus bona quædam tradiderat. *Rotbollesbus* deinde tribuitur ab eodem abbate in Registro laudato pago *Hessi Saxonico*. Illius situm nondum indicare valemus. Quamuis enim anno 942 *Rotmershusen* extiterit in *Hessi* pago in *Osterbeunmarca*, teste diplomate (§. 33.) adducto, atque præterea in comitatu *Dodiconis* præsto fuerint *Rothalmingahufun* et *Rotwardeshufen*, non tamen audemus statuere, vnam ex his tribus villam esse *Rotbollesbus*. Doctiores *Hessi*, inter quos multi antiquam amant geographiam, in situm huius villæ studiosius inquirant, rogamus. Heic intermittere non possumus, quin indicemus, villam *Rotbollesbus* probe discernendam esse 1) a *Rodingsbusen*, cuius meminere *Kuchenb. Anal. Hass. coll. IV. p. 405. et coll. VI. p. 447.* 2) a *Rongsbusen* l. c. coll. IV. p. 352. 3) a *Rudolfsbusen* l. c. coll. IX. p. 149. 4) a *Reimersbusen* in præfectura *Heina*, 5) a *Ruthebusen* in episcopatu *Paderbornensi*, quam anno 1155 habebant domini de *Amelunchsen* in principatu *Corbeiensis*, ab *Heinrico Leone* in beneficio seu feudo, 6) a *Romerbusen* in præfectura *Treisa* in *Landgraviatus Hassie* terris, 7) a *Roredelbusen*, in qua a. 1149 monasterium *Wilbodeffen* in episcopatu *Paderbornensi* bona tenebat, 8) a *Roleffen* villa olim spectante ad dynastiam *Stoppelberg*, 9) a *Rollingbusen* in præfectura *Sieck* in comitatu *Hoiano*, 10) a *Rollingbusen* in præfectura *Wintzenburg* in episcopatu *Hildesienfi*, 11) a *Rollefen* in præfectura *Stadhagen* in comitatu *Schaumburgico*, et 12) ac 13) a villis *Roggelingebusen*, quarum altera erat in pago *Aringho*, atque altera in pago *Suilbergi* sita. Porro collocat abbas noster l. c. villam *Silibem* in pago *Hemerueldu*, quæ videtur fuisse *Silen* vel *Silibem* in *Landgraviatu Hassio-Casselano* intra præfecturam *Heckershausen*. Tum *Thesli* erat in pago *Hessi Saxonico*, quæ est vicus *Deissel* inter *Heristallum Saxonicum* et *Drengelborg* in eodem *Landgraviatu*. *Thetmerefbus* denique, quæ eodem teste *Sarachone*, in pago *Hessi Saxonico* obuia erat, est locus *Detmersen* in episcopatu *Paderbornensi* non procul ab oppido lutulento *Peckelsen* situs. Ad progenitores nobilium dominorum de *Sconenberg* ergo referendum esse *Brunonem* nostrum, sit verisimillimum. De hoc argumento vide §. 104. not. (n).

De villa Balleuan in pago Westfalonia.

- (t) Villa *Balleuan* tribuitur a *Sarachone* l. c. pago *Westfalonia*. Indicari videtur *Balleuan* in comitatu *Arnesburgico* seu *Arensbergico*. *Raginheri*, qui in eadem villa bona quædam tradidit, verisimiliter ad progenitores comitum de *Arensberg* spectauit, videturque filius *Herimanni* fuisse, de eius progenitoribus et familia egimus supra (§. 218 et 389). Sane communis est et peruulgata sententia, comites *Arensbergicos* e sanguine *Widekindi Magni* descendisse. Videtur omnino nomen *Raginheri*, *Reinwerti*, *Raginwardi*, *Ranwardi*, *Reginberi* et *Reginberni* esse vnum idemque. Veritati consentaneum videtur, *Herimannum* filio cuidam suo nomen indidisse, ab auo petitum. Pone igitur, *Raginherium* fuisse filium *Herimanni*, tunc vna tantum persona inter *Raginherium* nostrum et *Fride-*

§. 434.

Tradidit enna pro se et fratre suo tadi VIII. mansos et quidquid habuit in *uuatberi* (u).

et guberna-
nanre
Corbe-
iam
Walho-
ne.

§. 435.

Tradidit thatmarus pro proximo suo hogero in *fritbegtigarothe* (v) II familia.

§. 436.

Tradidit maginhardus pro fratre suo tangmaro et illius coniuge II familia unam in *sickiunbus* (w) et unam in *bieranbus*.

§. 437.

Tradidit immed pro proximo suo thiadulfo I familia in *holtbus* (x).

§. 438.

Fridericum, primum comitem de Arneburg, deficit, cuius inuenienda fortasse nobis alio tempore occasio ministrabitur.

- (u) Villam *Watberi* abbas noster Saracho sine pago memorauit, nescimus, quam ob causam id fecerit. Cum igitur ignoremus pagum, in quo hæc villa exstiterit, ideo non ualemus indicare, an subsit vicus *Wetter*, hodie *Wetterburg* in principatu Waldecensi, an *Wetter* in Landgraviatu Hassio-Darmstadiño haud procul Marburgo, an vero *Wetter*, in comitatu Marcano. Vltimum uiderur nobis probabilius. Rationes, cur ita sentiamus, inuenies in *Cliueta Corbeiensis* in cap. de nobilibus dominis de *Wolmensene*.
- (v) *Fritbegtigarothe* villam itidem abbas noster l. c. sine mentione pagi adduxit. An ipsius tempore nulla hæc fuit villa? Hodie sane dubium est, an designetur *Vresitiero* de in præfectura Gandersheim, an *Fridericherode* in Thuringia, vel *Fritberike-rotb*, quæ olim in diocesi Halberstadeni haud procul ab vrbe Brunsviga exstitit. Probabiliter hæc vltima indicatur.
- (w) *Sickiunbus* et *Bieranbus* erant loca, teste Sarachone obuia, in pago *Almunga*. Ex quo momento apparet, denotari *Stuckbusen* et *Barbusen*, loca in dynastia Bura-na intra episcopatum Paderbornensem. Quantum itaque e situ harum villarum conclusimus, arbitrari libet, *Maginbardum* et *Tangmarium* inter posteros *Widikind* filii *Hoia* et frater *Buniconis* appellatur, qui uti ex donis apparet, stirpis fuisse videtur; statuamus, quæso, de eodem *Tangmaro* etiam memorari loco nostro. Quamuis enim quis perhibere possit, pugnare hoc cum chronologia, putamus tamen, fratrem eius, qui circa annum 960 filium et circiter annum ætatis XXX, habuit, adhuc in viuis esse potuisse anno MXII.
- (x) Villa *Holtbus* reperiebatur olim, Sarachone l. c. teste, in pago *Hrittiga*. Hunc in principatu Gottingensi circa oppidum Northeim situm fuisse, nemo ambiget. Intelligimus ergo, denotari vicum *Holtbusen*, locum præfecturæ *Brunstein*, quem probe discernere velis a villa *Holtbusan*, in pago Marungo sita et infra (§. 466) memorata. Hæc vltima quondam erat sita iuxta *Snetinghusen*. Locus hic nunc vocatur *Schnedighausen*, situs in præfectura *Moringen* intra eundem principatum Gottingensem. Situm vtriusque ville docet sequens litterarum extractus: